

華東師範大學圖書館藏稀見方志叢刊 六

黃秀文 吳平 主編

北京圖書館出版社

第六冊目錄

橫溪錄(八卷)	(明)徐鳴時纂		一	
(淳熙)三山志(卷首至卷五)	(宋)梁克家撰輯	(明)林材訂正		四九五

橫谿錄序

去胥門之數里有所謂橫谿者吾友蓼洲塋其祖之地也然而其來遠矣至于今郡鄉之人始聚而言曰悲哉周公之不得其死也而今之不見也或者望其宰上之木其先姓居焉是周公之所依也夫懷其一人之善而思其遠祖之域不得見乎當時之烈而言其舊兆之美忠孝之在人心其可一日忘之乎一谿之內聚落未廣而湖山之概亦得畧具季秋孟冬之間登高望遠舉國從焉自蓼洲既亡予不忍復過其地有遊此而歸者為問其先世塋宅防墓之感泫然

斯情不自知涕洟之出也迨君和著橫谿之錄呂蓼洲之行事少繫其凡于墓記之後然後一家之義燦然可述君子不惠其行之隱而小人之意亦有所起雜之詩書久其日月予是呂益信君和之好善無窮也夫蓼洲之善不徒被于一鄉而一鄉之人有不安于俗而彊于義者前此後此不一其人是亦蓼洲之徒也故一節之長君和亦以稱蓼洲之道稱之則里巷無聞之人皆得載文而顯若此之為書豈歲華之紀山海之篇足度其長短哉予每見蓼洲剛介絕衆不能容人瑕疵乃聞一美言嘉行即忻暢累日逾于

身為竊心高之以為今之世不可更得而茲見君和
之有此紀也橫谿其復有興也夫

崇禎二年八月既望經筵日講官宮庶姚希孟題

貞
之
家

姚序

序

古之君子欲重用其道于天下則先自父母之邦始
矣是故謹其習尚慎其風化自宗族以至鄉黨苟有
善焉則亟亟焉著之于言形之于書以傳後世斯亦
仁人孝子之志也昔者夫子之作春秋上自王朝下
及列國其事具備而獨于魯為加詳焉其刪詩也則
進魯于頌以明宗國之重豈獨有私于鄉之人哉繇
子弟之義以存忠厚之旨敬其親則不敢薄于他人
故其鄉之賢俊皆可得而見也其邑之謠俗皆可得
而考也吾觀古達人志士徃徃遐覽天下以周知山

川土物之盛至於過故都而不能無慨望丘墓而不能無泣則性情之感于是為不可掩矣况乎述其風土誌其嘉懿以垂之久遠不廢則其欣快又何如哉吾友徐君和今之所為篤行君子也師師粥粥孝友之名固已信于邦之人矣念往懷來以為居其鄉使有美弗彰非君子所以明厚而示勸也乃採之舊聞益以旁家雜乘凡貞人碩士孝子義婦以及其風土俗尚咸得著焉而橫谿遂為一邑之望矣夫天下之名川大邑其為通人所游覽者不可殫述然使邦無賢人則多湮沒而無聞苟有學道尚義之士行足以

表衆言足以傳後則雖以幽渺之區常得附人之姓名播于無窮由此觀之士之自立蓋可忽乎故化遠必于其近繫地必以其人此君和所為有感而作也豈獨睠懷父母之居同于孺子之慕哉異日入承明為國家脩著述之任于以言天下之事形四方之風當亦如此書矣

金沙周鍾題

橫谿錄序

君和天下之信人也以天下之信人紀天下之事言
四方之風可得而書也斯之為錄胡若是其徧歟嗚
呼此君和之志所以絕於衆度也夫君子之有其身
也必將敬其身居其地也必將重其地何則身者父
母之所出也若以言其地地者亦父母之所處也是
以始生之室老而不能忘少之所居雖數徙而能名
其處遐國之游周覽山川欣焉忘歸顧念舊邑則感
然以悲東山之詩所為善言人情也至於望城郭而
懷昔日高祖之宅先人之里咸得記其水田載其草

木猶然孝子之意而已吾觀君和之事其大人也存
嗜愛察顏色出入勞苦常若有不能至者繇是推之
父母之居君和其忍無書乎於是博諏其鄉所謂大
人者猶有存者乎所謂隱德高行猶有佚不可得聞
者乎浹日月而謀之踰年而始有其詳彰彰者毋論
已下而賤夫小婦一行之善多其語言時恐人之忽
之而殷勤以求其知其志有足感者凡此皆以成鄉
黨廣忠厚而大其父母之善也夫不善之人產於名
山大川恒以行之不若為其一國之辱而天下羞稱
其所居之地有君子出焉僻狹之土不登其方境之

志而常因以聞名於後世然則地之係於其人不亦
重乎況乎謠俗風物之紀秩乎有原也是故君子以
其德教乎邦之人則攝其宗人次序其譜揚一族之
美名先代之器而不為私及乎里黨益可知已又何
疑君和之為偏也哉則在善讀者之亟也

婁東張溥題

序

國有郡郡有縣上下相乘體統不易之道也古者縣大而郡小左傳所謂上大夫受縣下大夫受郡是也秦置三十六郡以監天下之縣自是縣統于郡矣釋名曰縣懸也懸于郡也縣之野鄉邑聚落屹然稱雄者曰鎮周禮遂人氏五家為鄰五鄰為里四里為鄣五鄣為鄙五鄙為縣五縣為遂鎮志名不見于遂人氏職方氏夷服之外有鎮服鎮居九服之一今取以名鎮者取夫名山大川足以鎮于一方云爾吳之鎮凡五而水莫大於震澤震澤今之太湖也出胥闕南

折而為橫谿由橫谿以達于石湖由石湖以達于太湖兩湖相注而諸山迤邐蜿蜒于其間靈秀甲於一郡郡縣皆有志而鎮志獨寡豈以其略而忽之歟震澤編自濟之王先生自成化後迄今不修而橫谿獨不著豈非地以文而傳文又以人而傳歟君和居橫谿之東不數武其幼之所習長之所游見聞考據為獨詳而又重其桑梓以無忘父母所自出因為是錄君和常語余曰士生斯時得志出而佐明天子興庠序修禮樂以復三代之舊不得志而退耕於野務農力田惇本節用十畝之間可以閒閒故足樂也鎮之

人若不學父兄不能以是訓其子弟又無鄉之祭酒
倡帥而化導之故學亦中廢吾他日果有餘力將建
學舍一區倣古遂序黨庠家塾之意群子弟之秀者
而升焉勉其禮義而勵其廉耻進其能者而策其不
及鎮之人庶有興乎于是紀其山川人物之形郊臺
墟墓之舊以考夫忠良賢孝之蹟庶乎鎮之人讀之
而有感焉以承于學也余曰子之言偉矣觀于鄉而
知王道之易也古之志也夫君和孝友敦睦慈惠誠
敬其教人也皆以身為師故常過其里登其堂而比
族輯和臧獲整肅有仁可懷有義可樂者君和之化

才 金

也邑人楊廷樞敬題

二

橫
谿
錄
總
目

一
卷

鎮

橋

山

水

泉

二
卷

古
跡

塚
墓

黃
溪
錄

恩
日

一